

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

Ո Ր Ո Շ ՈՒ Մ
01 հուլիսի 2016 թվականի

**«Ուսումնական և գիտահետազոտական աշխատանքների
կազմակերպումը Գյումրու մասնաճյուղում» հարցի մասին**

Լսելով և քննարկելով «Ուսումնական և գիտահետազոտական աշխատանքների կազմակերպումը Գյումրու մասնաճյուղում» հարցը (զեկուցող՝ Գյումրու մասնաճյուղի տնօրեն, տնտեսագիտության դոկտոր, պրոֆեսոր Ս.Ա.Դավոյան)՝ գիտական խորհուրդն արձանագրում է. հաշվետու ժամանակաշրջանում տնօրինությունը, ուսումնական բաժինը և ամբիոնները հետևողական աշխատանք են կատարել ուսումնական գործընթացի կազմակերպման, կատարելագործման և քննաշրջանները կազմակերպված անցկացնելու ուղղությամբ: Մասնաճյուղում ուսումնական քննական գործընթացը կազմակերպվել է գործող կարգերին և գիտական խորհրդի որոշումներին համապատասխան:

Հաշվետու ժամանակահատվածում մասնաճյուղի գիտական խորհրդի նիստերում լսվել և քննարկվել են ուսումնական, գիտական, դաստիարակչական, կարգապահական և կազմակերպական բազմաբնույթ հարցեր: Առաջ են քաշվել կրեդիտային համակարգի կիրառման գործնական արդյունավետության բարձրացման հիմնահարցեր:

Դրական տեղաշարժեր են կատարվել ուսումնական գործընթացի կազմակերպման ասպարեզում: Ամբիոններում հաճախակի կատարվել են քննարկումներ ուսման որակի բարձրացման և ուսանողների հետ կատարվող ուսումնադաստիարակչական աշխատանքների ուղղությամբ:

2015-2016 ուստարում մասնաճյուղում աշխատում են 51 դասախոս, որից 5-ը՝ գիտությունների դոկտոր, պրոֆեսոր, 15-ը՝ գիտությունների թեկնածու, դոցենտ, 10-ը՝ գիտությունների թեկնածու, այսինքն՝ պրոֆեսորադասախոսական կազմի 60 տոկոսն ունեն գիտական աստիճան և գիտական կոչում:

Արձանագրելով դրական տեղաշարժերը, խորհուրդը, միաժամանակ, նշում է՝ դեռևս կան թերություններ և չլուծված խնդիրներ.

1. Ուսանողների դասահաճախումների վերահսկողության գործընթացում:
2. Դեռևս չի հաջողվում ամբողջապես բացառել կարգապահական խախտումները և դասաձախողումները:
3. Ուսանողների ակտիվության գնահատման աշխատանքներում:
4. Փորձառությունների կազմակերպման անցկացման, վերահսկողության և գնահատման գործընթացում:
5. Ավարտական աշխատանքների և մագիստրոսական թեզերի թեմաների ընտրության, աշխատանքի ղեկավարման, կատարման, գրախոսման և պաշտպանության գործընթացներում:

Ելնելով վերոնշյալից՝ գիտական խորհուրդը որոշում է.

1. Մասնաճյուղի 2015-2016 ուսումնական տարվա ուսումնական և գիտահետազոտական աշխատանքների կազմակերպման մասին հաշվետվությունն ընդունել ի գիտություն և կատարված աշխատանքը գնահատել բավարար:

2. Հանձնարարել ամբիոններին՝

- 1) վերահսկողություն սահմանել ամբիոններում դասախոս կադրերի ընտրության գործընթացի վրա՝ նպաստելով, որպեսզի բուհում դասավանդեն բարեխիղճ, բարձր մասնագիտական որակներով օժտված, ակտիվ գիտական գործունեություն կատարող, դրական հատկանիշներով առանձնացող բարեկիրթ դասախոսներ.
- 2) դասախոսությունները, սեմինար և գործնական պարապմունքները անցկացնել արդյունավետ մեթոդներով՝ ժամանակակից պահանջներին համապատասխան.
- 3) հատուկ ուշադրություն դարձնել ավարտական աշխատանքների և մագիստրոսական թեզերի թեմաների թեմատիկայի նորացմանը, իսկ դրանց պաշտպանությունները կազմակերպել միայն էլեկտրոնային հավելվածների ներկայացմամբ.
- 4) փորձառության վայրերը հնարավորության սահմաններում համապատասխանեցնել ավարտական աշխատանքների և մագիստրոսական թեզերի թեմատիկային.
- 5) ամբիոնները համալրել բարձր որակավորում ունեցող համապատասխան դասախոսներով:
- 6) խիստ պատասխանատվությամբ առաջնորդվել դասաբաշխումներն իրականացնելիս: Հատկապես մեծ ուշադրություն դարձնել մագիստրատուրայում դասավանդողներին ներկայացվող պահանջներին: Ընդգրկել միայն մասնագիտական փորձ, գիտական աստիճան ու գիտական կոչում ունեցող դասախոսներին.
- 7) բացառել պարբերաբար դասաձախողումներ թույլ տված դասախոսների ներգրավումը դասավանդման գործընթացում:

3. Հանձնարարել մասնաճյուղի տնօրենին՝

- 1) մասնաճյուղի գիտական խորհրդի նիստերում քննարկել և ընդունել մայր բուհի գիտական խորհրդի նիստերի որոշումները,
- 2) մասնաճյուղի գիտական խորհրդի նիստերում պարբերաբար քննարկել կրեդիտային համակարգի կիրառման և կատարելագործման հետ կապված հիմնահարցերը և առաջարկությունները ներկայացնել մայր բուհ.
- 3) ակտիվացնել և ավելի նպատակային դարձնել գիտահետազոտական աշխատանքները և պարբերաբար հաշվետվություններ ներկայացնել ՀՊՏՀ.

- 4) ամենօրյա հսկողություն իրականացնել կատարողական կարգապահության, ուսումնական գործընթացի կազմակերպման նկատմամբ խախտման պարբերաբար կրկնվող դեպքերը դարձնել քննարկման առարկա.
- 5) հաշվի առնելով ՀՀ կառավարության կադրերի ուսցիոնալացման քաղաքականության պահանջները, մասնաճյուղի դիմորդների թվի զգալի կրճատումը, սոցիալական ու ֆինանսական իրավիճակը՝ անհրաժեշտություն է առաջացել ուսցիոնալացնելու հաստիքացուցակը: Մինչև մասնաճյուղի նոր ռազմավարական ծրագրի մշակումը, ներկայացումը և հաստատումը, փոխտնօրենի հաստիքը լուծարել՝ նրա գործառույթները փոխանցելով ֆակուլտետի դեկանին:

4. Հանձնարարել ՀՊՏՀ ռեկտորատին՝

- 1) ՀՊՏՀ-ում լույս տեսնող դասագրքերից և ուսումնական ձեռնարկներից 5-ական օրինակ տրամադրել մասնաճյուղին, ինչպես նաև կազմակերպել խորհրդատվություններ մասնաճյուղի դասախոսների համար.
- 2) աջակցել մասնաճյուղի պրոֆեսորադասախոսական կազմի սերնդափոխության գործընթացին՝ ասպիրանտուրայի և դոկտորանտուրայի միջոցով պատրաստելով համապատասխան կադրեր.
- 3) գործունե աջակցություն ցուցաբերել մասնաճյուղի ուսանողների ուսումնաարտադրական և գիտահետազոտական փորձառությունների անցկացման գործընթացին.
- 4) ՀՊՏՀ ուսումնամեթոդական խորհրդի կազմում ներգրավել մասնաճյուղի ներկայացուցիչ:

5. Սույն որոշումը քննարկել մասնաճյուղի գիտական խորհրդի և ամբիոնների նիստերում ու ձեռնարկել գործունե միջոցառումներ՝ նշված հանձնարարականները կենսագործելու համար:

6. Սույն որոշման կատարման նկատմամբ հսկողությունը վերապահել պրոռեկտորներ Պ.Ա.Քալանթարյանին, Մ.Ն.Հարությունյանին և Գ.Ի.Վարդանյանին:

7. Սույն որոշումն ուժի մեջ է մտնում ընդունման պահից:

Գիտական խորհրդի նախագահ

Կ. Լ. Աթոյան

01.07.2016 թ.